



## Pomoć bh. mirovnjaka iz Južnog Sudana

Pripadnici bh. kontingenta u mirovnoj misiji UN-a u Južnom Sudanu, posredstvom Sindikata Državne agencije za istrage i zaštitu (SIPA), donirali su sredstva za kupovinu osnovnih namirnica namijenjenih stanovništvu ugroženom poplavama u BiH. Pripadnici



Jedinice za specijalnu podršku SIPA isporučili su jučer dva kombija osnovnih namirnica građanima Doboja i Maglaja, kao skromni doprinos pripadnika bh. kontingenta UN-a u Južnom Sudanu. Donacija je isporučena predstavništvima Crvenog krsta u ove dvije općine, koji će namirnice distribuirati najugroženijim građanima. U mirovnoj misiji u Južnom Sudanu trenutno se nalazi 29 policijskih službenika iz BiH, pripadnika Direkcije za koordinaciju policijskih tijela BiH, SIPA, Granične policije BiH, MUP-a RS-a, MUP-a Unsko-sanskog kantona i MUP-a Kantona Sarajevo.